

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj: 18/18

Sarajevo, 03. 5. 2018. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 18/18 od 17.04.2018. godine, u postupku javne nabavke br. 18/18 „Utikači, prekidači, utičnice, patroni i osigurači“ donosi se :

O D L U K A

o poništenju postupka javne nabavke

Član 1.

Poništava se postupak javne nabavke broj 18/18 za nabavku roba : „**Utikači, prekidači, utičnice, patroni i osigurači**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 18/18 od 14.03.2018.godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a iznosi : 50.000,00 KM.

Obavještenje o nabavci broj: 247-1-1-43-3-124/18 poslato je na objavljivanje na Portal javnih nabavki dana 20.03.2018.godine a sažetak obavještenja o nabavci objavljen je u Sl. glasniku BiH broj : 19. od 23.03.2018. godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine i dopunskim Rješenjem članova komisije broj 18/18-1 od 14.03.2018.g. Komisija za javnu nabavku dostavila je dana 24.04.2018.g. Preporuku o poništenju postupka javne nabavke roba : „Utikači, prekidači, utičnice, patroni i osigurači“ - tender broj 18/18.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Za predmetnu javnu nabavku je dostavljeno: 5 (pet) ponuda ponuđača: „Nexen“ d.o.o. Banja Luka; Cospex“ d.o.o. Zenica; „Inter-Com“ d.o.o. Zenica; „Spot 97“ d.o.o. Sarajevo i „Euro M“ d.o.o. Sarajevo

- Da su blagovremeno zaprimljene: 5 (pet) ponuda ponuđača: „Nexen“ d.o.o. Banja Luka; Cospex“ d.o.o. Zenica; „Inter-Com“ d.o.o. Zenica; „Spot 97“ d.o.o. Sarajevo i „Euro M“ d.o.o. Sarajevo

- Da nije bilo neblagovremeno zaprimljenih ponuda.

Pregledom dostavljenih ponuda utvrđeno je da dostavljene ponude ponuđača „Nexen“ d.o.o. Banja Luka, „Cospex“ d.o.o. Zenica, „Inter-Com“ d.o.o. Zenica, „Spot 97“ d.o.o. Sarajevo i „Euro M“ d.o.o. Sarajevo ispunjavaju zahtjevano tenderske uslove prema obliku i potpunosti u smislu pripreme ponude.

Pregledom ponuda ponuđača „Nexen“ d.o.o. Banja Luka, „Cospex“ d.o.o. Zenica, „Inter-Com“ d.o.o. Zenica i „Spot 97“ d.o.o. Sarajevo konstatovano je da ponuđači „Nexen“ d.o.o. Banja Luka, „Cospex“ d.o.o. Zenica, „Inter-Com“ d.o.o. Zenica i „Spot 97“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ponude ponuđača „Euro M“ d.o.o. Sarajevo, konstatovano je da ponuđač „Euro M“ d.o.o. Sarajevo ne ispunjava zahtijevane kvalifikacione uslove iz tačke 14.3 tenderske dokumentacije "**Sposobnost obavljanja profesionalne djelatnosti**" iz razloga što je ponuđač u ponudi dostavio Rješenje o registraciji br. 065-0-Reg-12-001892 sa datumom izdavanja 09.05.2012. godine i isto je starije od tri mjeseca od dana izdavanja a računajući od momenta predaje ponude a što nije u skladu sa postavljenim tenderskim uslovom : „**Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.**“

Komisija je utvrdila da ponuda ponuđača „Euro M“ d.o.o. Sarajevo ne zadovoljava kvalifikacione uslove tražene tenderskom dokumentacijom, zbog čega se ponuda ovog ponuđača odbacuje kao neprihvatljiva a sve u skladu sa članom 68. stav (4), tačka i) Zakona o javnim nabavkama.

Pregledom ponude ponuđača „NEXEN“ d.o.o. Banja Luka, Komisija je konstatovala da ponuđač u dostavljenoj specifikaciji, koja je sastavni dio „Obrasca za cijenu ponude“ – Aneks III, Prilog 2., nije popunio kolonu broj 5. „Standard-kvalitet“. Nepopunjavanjem navedene kolone traženim podacima ponuđač „NEXEN“ d.o.o. Banja Luka nije ispunio zahtjeve ugovornog organa odnosno nije postupio u skladu sa tačkom 17.1 „Način izrade ponude“ a u kojoj je navedeno sljedeće : „**Ponuđači pripremaju ponudu u skladu sa uputstvima i zahtjevima iz ove tenderske dokumentacije. Ponuđači su obavezni ponude pripremiti na anexima (obascima) i priložima koji su sastavni dio tenderske dokumentacije. Aneksi i prilozi**

iz tenderske dokumentacije se ne smiju prekucavati niti se smije mijenjati sadržaj istih. Ponude koje ne budu pripremljene i dostavljene u skladu sa zahtjevima iz ove tenderske dokumentacije biće odbačene.“

Pregledom ponude ponuđača „Cospex“ d.o.o. Zenica, konstatovano je da ponuđač dostavljeni „Obrazac za cijenu ponude“ – Aneks III, Prilog 2., nije ovjerio svojim pečatom na za to predviđenom mjestu, a ovjera pečatom je zahtijevana u tački 17.1.4 tenderske dokumentacije „Potpis i ovjera ponude“ gdje je navedeno sljedeće : **„Ponuda mora biti potpisana (svojeručno) od strane ovlaštenog lica podnosioca ponude te ovjerena pečatom podnosioca ponude, na mjestima/stranicama gdje je to u obrascima tenderske dokumentacije naznačeno (na mjestima/stranicama gdje piše potpis i pečat ponuđača).**

Pregledom ponude ponuđača „Spot 97“ d.o.o. Sarajevo, konstatovano je da je ponuđač „Spot 97“ d.o.o. Sarajevo u dostavljenoj specifikaciji, koja je sastavni dio „Obrasca za cijenu ponude“ – Aneks III, Prilog 2., uradio ispravke na strani br. 8. ponude, stavka 2.11 u koloni 10. i 13. Izvršene ispravke nisu urađene na zahtijevani način odnosno nije precrtana ranija cifra i nije napisana nova cifra, ispravke nisu potvrđene svojeručnim potpisom i nemaju datum izvršene ispravke, već je ponuđač samo ispravio raniju cifru novom cifrom.

Konstatovano je da izvršene ispravke nisu urađene u skladu sa tačkom 17.1.5 tenderske dokumentacije „Ispravke u ponudi“ gdje je naveden način vršenja ispravki i to : **„Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi, a prilikom ispravke potrebno je: precrtati/prekrižiti raniji dio teksta ili cifre i umjesto njih napisati novi tekst ili cifru, potpisati i ovjeriti pečatom), potvrđene svojeručnim potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).**

Pregledom ponude ponuđača „Inter - Com“ d.o.o. Zenica, od strane stručnih lica za predmetnu nabavku konstatovano je da je ponuđač „Inter - Com“ d.o.o. Zenica u specifikaciji, koja je sastavni dio „Obrasca za cijenu ponude“ – Aneks III, Prilog 2., u kolonama 5. „Standard - kvalitet“ i „Kataloška oznaka“ upisao samo naziv međunarodnog standarda, a u koloni broj 4. „Proizvođač, zemlja porijekla“ na strani 47 ponude za stavke pod rednim brojevima 1.5, 1.6, 2.6, 2.7, i na strani 48 ponude za stavke pod rednim brojevima 2.11, 2.12, 2.13, 3.6, 3.7, 3.8, 3.12 naveo je samo zemlju porijekla bez navođenja proizvođača. Konstatovano je da navedene kolone nisu popunjene traženim podacima i time ponuđač „Inter-Com“ d.o.o. Zenica nije postupio u skladu sa tačkom 17.1 „Način izrade ponude“ a u kojoj je navedeno sljedeće : **„Ponuđači pripremaju ponudu u skladu sa uputstvima i zahtjevima iz ove tenderske dokumentacije. Ponuđači su obavezni ponude pripremiti na anexima (obascima) i priložima koji su sastavni dio tenderske dokumentacije. Anexi i prilozi iz tenderske dokumentacije se ne smiju prekucavati niti se smije mijenjati sadržaj istih. Ponude koje ne budu pripremljene i dostavljene u skladu sa zahtjevima iz ove tenderske dokumentacije biće odbačene.“**



Obzirom na navedeno, konstatovano je da ponude ponuđača „Nexen“ d.o.o. Banja Luka, „Cospex“ d.o.o. Zenica, „Spot 97“ d.o.o. Sarajevo i „Inter-Com“ d.o.o. Sarajevo ne ispunjavaju zahtjeve ugovornog organa koji su traženi tenderskom dokumentacijom, zbog čega se ponude ovih ponuđača odbacuju kao neprihvatljive a sve u skladu sa članom 68. stav (4), tačka i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:
- a/a

 **v.d. Direktor**

Azra Muzur, dipl.inž.građ.

se
Mladic
Dun